

Fjallabyggð 19. Apríl 2023

Viljayfirlýsing

Í framhaldi af ársþingi SSNE hér í Fjallabyggð þar sem verkefnið Hátindur 60+ í Fjallabyggð var kynnt þingfulltrúum og gestum og með hliðsjón af áformum um aðgerðaráætlun í málefnum eldra fólks, vill undirrituð koma á framfæri og staðfesta vilja sveitarfélagsins Fjallabyggðar til að verða eitt þeirra verkefna sem falli undir aðgerðaáætlunina stjórnvalda um þjónustu við eldra fólk.

Verkefni sem Fjallabyggð er að vinna að og vill leita ráðgjafar, stuðning og mats/eftirfylgdar með eru í meginatriðum tvö.

1. Samvinna, samhæfing og samþætting heilbrigðis- og félagslegrar þjónustu við eldra fólk í sveitarfélaginu.

Sérstaklega verði horft til samstarfs Fjallabyggðar og Heilbrigðisstofnunar Norðurlands (HSN) um þjónustu á sviði heimahjúkrunar og heima-/stuðningsþjónustu við þá sem búa heima. Þar með talið er dagdvöl, ráðgjöf, eftirlit og lyfjagjöf, heimsending matar, akstursþjónusta, öryggishnappar, fjarþjónusta og stuðningur við ættingja og aðra umönnunaraðila. Fjallabyggð og HSN hafa sett sér markmið með samstarfi og samþættingu þjónustunnar. Í tengslum við það þarf hins vegar að vinna sérstaklega að skoðun og úttekt á þeim atriðum sem varða ramma, skipulag og lagalegt umhverfi þess að auðvelda og eftir atvikum heimila það samstarf og samþættingu sem vilji er til að komið verði á. Um þennan hluta verkefnisins er sérstaklega horft til stuðning og aðgerða sem mögulega þarf að innleiða af hálfu ráðuneytis eða Alþingis. Það eru atriði sem geta skipt sköpum hvernig samstarfið og samþættingin þróast og hve varanleg hún getur orðið til lengri tíma.

2. Uppbygging og þróun á úrræðum á sviði endurhæfingar og dagdvalar fyrir eldra fólk.

Fyrir liggur að fjöldi dvalarrýma sem skilgreind eru fyrir eldra fólk í Fjallabyggð þarf að endurmeta. Til að slíkt verði gert þarf samhliða að horfa til uppbyggingar og eflingar annarrar þjónustuúrræða sem geta á markvissan hátt stutt við áframhaldandi búsetu eldra fólks í heimahúsi. Áherslur Fjallabyggðar og HSN ganga út á að efla dagdvalir og endurhæfingarúrræði almennt og sértækt, í þessu skyni. Með því má svara þörfum fyrir þjónustu og efla traust til umbreytinga á þjónustunni, en á sama tíma nýta enn betur auðlindir í mannafla, mannvirkjum, náttúru og menningu svæðisins.

Bestu kveðjur og með von um jákvæðar undirtektir.

Hanna Sigríður Ásgeirsdóttir

Verkefnastjóri Hátindar 60+

hannasigga@hatindur.is